

中國方志叢書·華中地方·第三二六號

據

清道光二十一年刊本
清袁景暉纂修

影印

湖北省

建始縣志



9433/07
成文出版社有限公司印行



中華民國六十四年 月臺一版

建始縣志

全冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

原
稿
缺

原稿缺

未詳因於接見紳耆之際悉心延訪續經范君立
齋吳子价人陳松岩明經手輯成篇一例補入外
此者無聞焉今閱歲餘矣會有梓工流寓茲土鐫
板以待謝君茹芝復亟請於人不獲已仍就原文
僭加刪潤並見聞所錄隨附剗雕某蕪之譏知所
不免然非敢曰志也抑作邑誌之粉本云爾若夫
搜羅宏富潤色鴻篇尤有望於後之博雅者是為
叙

昔

道光二十一年辛丑十月下浣知建始縣事光山
索景暉撰



序文

郡縣之有志也志古也兼志今也我

朝重熙累洽久道化成凡屬山陬海邑政蹟之昭垂
藝文之彪炳忠孝節義之所表見莫不幸際

昇平蒸蒸日上使非秉筆以垂久遠則湮沒者多矣
志顧可少哉余恭膺

簡命視學楚北試施南道經建始邑宰袁君龍溪修縣
志初成問序焉建始本夔州屬邑改隸施南疊嶺
崇岡四面環繞其磅礴鬱積之氣鍾英而毓秀與

夫一切舊章成憲必有可觀者第舊志無完書其軼事時見於他說袁君網羅蒐討輯成若干卷分門別類比事屬詞採訪周而去取當余固喜其信而有徵而尤嘉袁君之能大異乎俗吏之所為也夫舉墜修廢守土者責也然視為具文則不欲為憚於經始則不敢為日從事於簿書錢穀則又不暇為袁君知必為為必成且速如是上以昭卓書一統之休下足備問俗觀風之選所謂文章報國者非耶且建始地當孔道為楚蜀咽喉邑雖小

治與繁劇等袁君甫下車逾年政通人和
若慈父母則大有造於建始者循良之績正未有
艾也豈特一志之成云乎哉爰不辭而為之序
道光二十一年歲次辛丑嘉平月上澣

欽命國子監司業

上書房行走提督湖北全省學政桐軒朱鳳標撰

序

夫志何為而作也蓋備輜軒之採上貢天子者也曷志乎爾疆域畫馬山川分焉有戶口以驗生聚有風俗以判貞淫由是而文猷彬彬由是而稅賦籍籍人有忠孝節義物有草木蟲魚莫不蘆然畢具守其土者不難按冊而稽以施其治之之法志顧可以弗備乎夫作志難而作建始之志則尤難考建始為古巴蠻之地未有君

建始縣志卷之五
長俱事鬼神乃共擲劍於石穴約能中者奉以
為君巴氏子務相迺中之又令各乘土舟於夷
水清江約浮者當以為君惟務相獨浮此即所
謂廩君也酈道元引素山松之言謂事傳鴻古
難以明徵在後魏時即不可援以為証而況又
歷千有餘年乎此作建始之志之所以難也然
而洪濛之世漸遠夜郎之習日除歷代之沿革
蓋其軼時時見於他說自我

朝重熙累洽久道化成改土歸流蒸蒸日上又得
良有司撫輯綏嘉人文蔚起羣推禮義之鄉也
淮斯邑者亦安得默爾而息乎光山秦君捧檄
而為此邑幸治勵官箴勤求民瘼一邑之利害
無不隨時而興除之俗吏之所為不為也復於
簿書鞅掌之餘留心翰墨閱前此抄本舊志惜
其無完書而悵其無善本於是廣為搜羅精以
採擇不憚筆者筆削者削輯成若干卷分門別

類各有所歸炳炳乎成為信志也夫素君之學
力如此則素君之政績可知矣他日譜入循良
心跡昭著豈僅為一邑觀摩已哉書成屬序於
余爰將修輯之難用心之善以誌緣起云爾是
為序

賜同進士出身

誥授

中憲大夫署理湖北提刑按察使司荆宜施兵

備道翰林院檢討漢陰溫予巽誤

序

志者所以紀事傳軌也凡省郡州縣皆各有志若荒陬僻壤文獻無徵又乏人焉為之網羅散佚攷証覩聞即湮沒無傳施南府屬之建始縣形勢雄鬱民俗簡陋有太古遺風原為川省屬邑自雍正十三年施州改土歸流設立郡縣遂割隸楚省百餘年來與斯民漸摩涵濡於聖人之德化又一變至道焉歲庚子余奉

命出守建平遼龍溪袁君宰斯邑以慈惠為政凡所以振興文教扶持節義者皆見諸實政尤以表章前哲考鏡典

型為己任因出所輯縣志示余屬為之序余曰是固守
土之責也彼通都大邑其疆域山川田賦學校文物武
備無不勒成一書犁然畢具豈列我版圖者以荒僻而
聽其泯焉弗彰歟披閱是編取舍精當簡而明約而賅
繼自今蒞斯土者皆得循其舊而圖其新知疆輿所由
拓風氣所由開將見簡者由樸而歸諸淳陋者化文而
不離乎質得山澤雄鬱之氣蒸蒸日上而治益臻於古是
固賢尹之素志尤予所樂觀厥成者也是為序

欽命浙江督糧道留署湖江武昌府事顧椿撰

序

古之為政者必洞悉於山川之險易風俗之淳漓而後
可以物土布利因俗化民而教養興焉周禮職方懷方
土訓誦訓之官所由設也施南一郡舊誌以土司自乾
隆元年始改土歸流惟建始一邑前屬蜀之夔府素稱
邊鄙自立施郡而割以屬焉余於癸卯仲春循例為宜
施之行由峽江上巴東舍舟而櫟過天柱峰入建始界
蜿蜒深谷榛紫巖憑高四望萬峰攢簇森然如聚米村落
稀疎背絕崖而臨回谿墾土以耕雜植林木民生貧苦